



MAJLIS PERBANDARAN SEBERANG PERAI

TEKS UCAPAN

**YBHG. DATO' Sr HAJI ROZALI BIN HAJI MOHAMUD
YANG DIPERTUA
MAJLIS PERBANDARAN SEBERANG PERAI**

SEMPENA

**MAJLIS PELANCARAN PERTANDINGAN
HALAMAN RUMAH BERSIH DAN INDAH
PERMATANG NIBONG 2019**

TARIKH / MASA / TEMPAT

**04 MEI 2019 (SABTU)
9.30 PAGI**

**DEWAN KAFA
PERMATANG NIBONG
PERMATANG PAUH**

Terima kasih Saudara/Saudari Pengacara Majlis

Yang Dihormati Ahli Majlis-Ahli Majlis

Majlis Perbandaran Seberang Perai

Yang Berusaha Puan Ir Hj Rosnani bt Hj Mahmud

Setiausaha Perbandaran

Majlis Perbandaran Seberang Perai

Yang Berusaha Encik Lim Eng Chuan

Pengurus Besar

South Island Garment Sdn. Bhd.

Yang Berusaha Encik Rosli Bin Ishak

Pengerusi Koperasi Kerjaya Permatang Nibong Berhad

Yang Berusaha Encik Anas Bin Mohd Kassim

Pengerusi Koperasi Lestari Alam Sekitar Seberang Perai Berhad

Ketua-Ketua Jabatan dan Pegawai-Pegawai Kanan

Majlis Perbandaran Seberang Perai

Para Penduduk Permatang Nibong

Rakan - Rakan Media

Tuan-Tuan Dan Puan-Puan Yang Dihormati Sekalian

Assalamualaikum warahmatullahi wabarakatuh,

Selamat pagi dan salam sejahtera,

Alhamdulillah, bersyukur kehadiran Allah S.W.T. kerana dengan izin dan limpah kurnianya dapat kita bersama-sama pada hari ini dalam Majlis Pelancaran Pertandingan Halaman Rumah Bersih dan Indah Permatang Nibong 2019 anjuran bersama MPSP, South Island Garment Sdn. Bhd. dan Koperasi Lestari Alam Sekitar Seberang Perai Berhad. Ini merupakan kali kedua program ini diadakan.

Saya mengambil kesempatan ini untuk merakamkan penghargaan dan ucapan terima kasih kepada Yang Berusaha Encik Lim Eng Chuan, Pengurus Besar South Island Garment Sdn. Bhd. dan pihak Pengurusan South Island Garment Sdn. Bhd. di atas sokongan padu yang diberikan dalam menjayakan program ini.

Untuk makluman tuan-tuan dan puan-puan, MPSP telah berganding bahu dengan South Island Garment Sdn. Bhd. dalam pelbagai usaha untuk memelihara dan memulihara alam sekitar sejak tahun 2016. South Island Garment Sdn. Bhd. menunjukkan dedikasi yang amat tinggi dalam usaha untuk memelihara alam sekitar bersama MPSP iaitu dalam aktiviti kitar semula dan membuat bebola tanah (*mudballs*). South Island Garment Sdn. Bhd. juga menyumbangkan kain lebihan atau terpakai kepada komuniti

untuk dijahit dan dijadikan bahan *upcycle* seperti beg. Latihan menjahit dan sebagainya juga disumbangkan kepada komuniti seperti di Permatang Nibong ini. Selain itu, South Island Garment Sdn. Bhd. juga menyertai program sisa sifar dengan mengumpul sisa makanan untuk dihantar ke Pasar Bagan Ajam untuk pengkomposan.

Saya amat kagum dengan semangat yang ditunjukkan oleh South Island Garment Sdn. Bhd. yang menunjukkan komitmen tinggi dalam menjaga kebersihan, keindahan, kehijauan bumi dan kesejahteraan alam sekitar. Syabas dan Tahniah!

Saya juga ingin mengucapkan ribuan terima kasih kepada Encik Anas Bin Mohd Kassim, Pengerusi Koperasi Lestari Alam Sekitar Seberang Perai Berhad dan juga para penduduk Permatang Nibong yang telah memberikan kerjasama dan komitmen dalam menjayakan program pada pagi ini.

Program Pertandingan Halaman Rumah Bersih dan Indah Permatang Nibong 2019 yang diadakan hari ini adalah merupakan *smart partnership* melalui konsep 7Ps (*People, Public, Private, Philanthropy, Philosopher, Planet Partnership*), di mana melalui pendekatan *people and private partnership*, MPSP menjalinkan kerjasama dengan syarikat korporat dan juga masyarakat setempat yang secara tidak langsung memberi impak positif terhadap usaha pemeliharaan alam sekitar dan bumi kita.

Tuan-tuan dan puan-puan yang dihormati sekalian,

Matlamat utama program ini adalah untuk mempertingkatkan kesedaran dan amalan menjaga kesihatan serta kebersihan persekitaran dalam membentuk kampung yang bersatu-padu, indah dan tersusun menerusi aktiviti pertandingan selain daripada meningkatkan tahap kebersihan dan keindahan Kampung Permatang Nibong.

Ianya juga untuk membudayakan dan menyemai amalan menjaga kebersihan di dalam dan luar rumah serta halaman bagi menghindarkan pencemaran alam sekitar, memusnahkan tempat pembiakan nyamuk aedes, di samping mengindahkan dan menghijaukan persekitaran yang memaparkan cara hidup orang Malaysia. Selain daripada itu, sekiranya ada ruang di halaman rumah adalah amat digalakkan untuk menanam pokok buah-buahan, pokok bunga dan juga sayur-sayuran yang berfaedah dan mendatangkan hasil untuk kegunaan sendiri.

Program seperti ini dianjurkan untuk menyemai rasa tanggungjawab serta meningkatkan kesedaran di kalangan masyarakat untuk melindungi bumi dan alam sekitar. Ianya juga mengajak orang awam untuk bersama-

sama memainkan peranan masing-masing dalam mengamalkan gaya hidup hijau sebagai usaha dan sumbangan kepada generasi akan datang.

Selain daripada menjaga kebersihan, saya ingin menekankan kepentingan amalan pengasingan sisa di punca dan juga kitar semula. Saya amat mengalu-alukan kerjasama daripada golongan masyarakat agar memaksimumkan kitar semula, meminimakan sisa lebihan, mengurangkan penggunaan dan memastikan setiap barangan yang dihasilkan boleh diguna semula, dibaiki, dikitar dan dikomposkan sesuai dengan konsep 8R yang sentiasa saya war-warkan iaitu *Rethink, Refuse, Reduce, Re-use, Repair, Re-gift, Recover* dan *Recycle*.

Saya menyeru para hadirin sekalian untuk menjadikan kitar semula dan sisa sifar sebagai satu amalan dalam budaya hidup seharian, agar bumi yang kita pinjam dari generasi akan datang ini, dapat dikembalikan kepada mereka seindah dan se hijau mungkin.

Tuan-tuan dan puan-puan yang dihormati sekalian,

Pertandingan pada hari ini adalah terbuka kepada penghuni rumah dalam kawasan Kampung Permatang Nibong. Setiap penyertaan akan dinilai berdasarkan beberapa kriteria yang telah ditetapkan iaitu:-

- i. Jumlah pokok hiasan yang ditanam serta susun atur landskap (20 markah).
- ii. Penanaman sayur-sayuran (10 markah).
- iii. Keadaan kebersihan halaman rumah (30 markah).
- iv. Penggunaan bahan buangan secara optima untuk hiasan (10 markah).
- v. Penghasilan kompos sebagai baja tanaman (10 markah)
- vi. Pengasingan sisa di punca untuk kitar semula (20 markah)

South Island Garment Sdn. Bhd. telah menyediakan 30 hadiah kemenangan dan saguhati berjumlah RM4,000.00. Terima kasih kepada South Island Garment Sdn. Bhd.

Pada hari ini, iaitu Hari Pelancaran Pertandingan Halaman Rumah Bersih dan Indah Permatang Nibong 2019 penghuni rumah selain daripadamenghantar barang kitar semula juga dikehendaki menghantar sampah sarap untuk diangkut oleh MPSP. Penghuni sendiri bertanggung jawab menjaga kebersihan dan keindahan halaman rumah sendiri dan tidak berharap orang lain datang untuk bersihkan.

Pendaftaran peserta akan dijalankan sebaik sahaja program ini dilancarkan. Selain itu, seramai 40 wargakerja South Island Garment Sdn.

Bhd. akan turut serta dalam program pada hari ini untuk membantukan menjayakan aktiviti-aktiviti hijau yang diadakan hari ini.

Tuan-tuan dan puan-puan yang dihormati sekalian,

Saya menyeru kepada para hadirin sekalian dan warga Seberang Perai untuk terus membantu MPSP dalam menjadikan Seberang Perai lebih bersih dan cantik serta mempunyai penduduk yang sihat sejajar dengan *tagline* MPSP iaitu “**Seberang Perai Aspirasi Bandar Masa Hadapan**” atau “**Seberang Perai Aspiring City of Tomorrow**”.

Akhir kata, terima kasih kepada penduduk Permatang Nibong yang menyokong semua usaha yang telah dibuat oleh MPSP selama ini dan berharap agar terus menyokong inisiatif-inisiatif yang direncanakan oleh MPSP ke arah pembentukan Bandaraya Rendah Karbon dan Bandaraya Pintar menjelang tahun 2022. Terima kasih sekali lagi kepada pihak South Island Garment Sdn. Bhd. atas kerjasama dan sokongan yang diberikan untuk menjayakan program ini. Kepada yang mendaftar untuk bertanding, saya mengharapkan kesungguhan dan mendoakan kejayaan. Saya berharap usaha kelestarian hijau Permatang Nibong ini dapat menjadi contoh kepada komuniti-komuniti lain di Seberang Perai.

Sebagai mengakhiri kata-kata, dengan lafaz BISMILLAH saya dengan ini merasmikan Majlis Pelancaran Pertandingan Halaman Rumah Bersih Dan Indah Permatang Nibong 2019.

Sekian,

Wabillahi Taufik Wal Hidayah, Wassalamualaikum Warahmatullahi

Wabarakatuh.

Terima kasih.